



LIS AVENTURIS DI VIGJI


Progjet promovût di 'Il Friuli' e 'ARLeF'

TANT PAR RIDI

No rivi a capî parcè che mi disin che o soi masse grant pal ûf: no ai mighe di stâi dentri!

ZÛCS

Piture te maniere che plui ti plâs il logo di Maman!



Fruts, al è tornât Maman! cuntune gnove stagjon e cun tantis sorpresis! Us din apontament **su telefriuli**

ARLeF telefriuli

Maman!

Gnove stagjon
Ogni vinars aes 17.40
miercus aes 17.40
e domenie aes 7.00

L'ÛF DI CJOCLATE

A manjavin doi dîs a Pasche: Daria, su la panarie e veve ingrumât une schirie di ûfs di cjocolate che i vevin regalât so pari, sôs agnis, sôs cusinis e lis sôs amiis. Un dongje di chel altri, a fasevin bieles figure tal tinel cu lis lôr cjartis dutis coloradis e lusintis. No viodeve la ore di vierziju par gjoldisi la maravee di tornâ frutine, tal cjatâ tantis bielîs sorpresis che po dopo e varès puartât ai siei arlêfs. Ma ce che i plaseve di plui, dal sigûr e jere la cjocolate! No jere sere che Daria e les a durmî cence gjoldisi un tocuto o un tocon di cjocolate, in maniere rigorose fondente, par tirâsi sù di morâl. Daria e metevê cjocolate dapardut: tes tortis, tes pastutis, tes cicimbelis, tai krapfens che e preparave; se e ves podût, le varès metude ancje te salate, te pastesute o pûr te mignestre. A ducj in famee ur plaseve la

cjocolate, e a finivin simpri la cene cuntun cuadretut di chê golositât maron. Vigji no però: a Vigji i jere stade improibide. Lui nol podeve nancje cerçâle, par vie che jal veve sconsœât il veterinari. Joi, tropis robis che i veve dit il veterinari che lui propit nol rivave a parâ jù! E fâ diete, e fâ gjinastiche, e fâ di mancûl di mangjâ dolçs! Nol podeve sopuartâ chel l'om cul cjamiç blanc. Une buinore, cuant che ducj a durmivin, Vigji si jere cjatât di bessòl intal tinel. Sbutât de curiositât, il nestri amî cuntun salt si jere cjatât bot e sclop tal mieç di ducj chei bieî ûfs colorâts, ben impachetâts tes lôr cjartis. Al veve nasicjât par un biel pôc chel profum che al vignive fûr di chei sacuts. Cuntune çate al veve butât jù prime un ûf, e po dopo - un daûr di chel altri - a vignirin jù ducj chei altris. In cuatri e cuatri vot al veve rivât a sbregâ dutis lis cjartis e i ûfs zaromai si jerin trasformâts in tocuts, o fruçons. No i pareve vere: finalmentri al podeve ancje lui cerçâ cheste golosetât maron scûr. La gnot e jere stade lungje e lunc ancje il timp par podè sbrocâ la sô gole di dolçs. No us conti nancje ce che al pues jessi sucedût cuant che Daria si inacuarzè dal davoi... Us lassî dome imaginâ...
(Al va indenant...)

CJANTIS, FILASTROCJIS, POESIIS

"BUINE PASCHE" JO LU DÎS

Cheste Pasche, se Diu al vûl, no vuei zûcs dentri dal ûf no pipinis, no scarpets, nancje anei, ni braçalets, no profums, ni machinutis, puarteclâfs o mascarutis. O vuei cjatâ, za tu lu sàs, un biel mont fat sòl di pàs.

Rit. Al è un sium ben ben platât di vè un mont plen di bontât. "Buine Pasche" jo lu dîs, ai parincj e ai amis!

A fasin fieste lis colombis mai plui vuere e nancje bombis, gjonde e amòr dentri dal cûr la sperance mai no mûr. O fasin fieste in famee ducj sentâts su la cjadree, par fâ fieste in ligrie, Buine Pasche compagne!

Rit. Al è un sium ben ben platât di vè un mont plen di bontât. "Buine Pasche" jo lu dîs, ai parincj e ai amis!

(Peraulis di Daria Miani; musiche di Flaviano Miani)

LU SAVEVISO CHE...?

Il prin vèr ûf di cjocolate al fo fat ae cort di Luîs XIV (Re Sole), par opare dai siei cogos che a volevin imitâ i ûfs di struç. I ûfs pe tradizion cristiane a representin il simbul de rinassite e de resurezion dal Crist.



Pagjinis curadis di Daria Miani
Consulence linguistiche de ARLeF



RICETIS - Master Cogo Furlan

L'ÛF GJALINE

Par fâ l'ûf gjaline o vès dibisugne di:

- Doi ûfs o ancje di plui se o volês
- Brucjis di garoful
- Une carote
- Fueis di lidric pe decorazion dal plat.

Mi racomandi, prime di scomençâ: lavaitis simpri lis mans; metêt sù lis manecis, un grumâl intor par no sporcjâsi, un cjapiel di cogo par no pierdi cjavei inte pignate, e fasêtsi simpri judâ di un grant par ducj i passaçs.

Sêso prontos? Alore scomencin!

Domandait a un grant di judâus a meti i ûfs dentri di un padielin cu la aghe frede, e fasêtsi judâ a impiâ il fûc a flame medie.



Cuant che la aghe e scomence a bulî, contait vot minûts.

Intant che o spietais che la aghe e boli, taiait a rodelis la carote.

Judâts di un grant, cuntun curtis taiait a zigzag la rodele par fâ la creste.

Metêt a disfredâ i ûfs sot de aghe frede e po scussaitju.

Fasêt un tai te part alte dal ûf e metêt dentri la creste.

Dentri te fressure metêt ancje une pontute piçule di carote che us è vanzade prime, e dopraitle tant che bec.

Cu la ponte dal curtis, fasêt dôs piçulis busutis une a drete e une a çampe dal bec e metêt dentri lis brucjis di garoful.

Fasêt tal stes mût ancje chel altri o chei altris ûfs.

Decorait il plat cun cualchi fueute di lidric ben lavât.


Imagjin gjavade dal sît: <https://plus.google.com/>

IDEIS PE LETURE



G. Angeli, "Mariutine e i omenuts dal timp", flabe contignude te racuelte cun CD "Mariflabis: storiis in marilenghe di lei e di scoltâ", Comun di Glemone, 2014.

99 PERAULIS




"99 Peraulis. Fovelâ cul mont. Parlare col mondo. Talking to the world", di Silvana Schiavi Fachin, Futura Edizioni, 2014, realizât in colaborazion cun ARLeF

Trop sâstu di "Paw Patrol"?

Rivistu a colegâ ogni imagjin al personaç just?

1. Marshall
2. Tracker
3. Ryder
4. Chase
5. Skye
6. Rubble
7. Zuma



Cjate la ombre juste

Rivistu a ricognossi la ombre juste tra lis 4 a disposizion?

